



REPUBLIKA E KOSOVËS
REPUBLIKA KOSOVA – REPUBLIC OF KOSOVO

GJYKATA THEMELORE GJAKOVË

Numri i lëndës: 2021:260910
Datë: 26.03.2024
Numri i dokumentit: 05502503

GJYKATA THEMELORE NË GJAKOVË, Departamenti i Përgjithshëm, Divizioni Civil Gjyqtari Durim BALAJ, me bashkëpunëtoren profesionale Argjelina Prenku, në çështjen juridike të përmbarimit sipas propozimit për përmbarim të kreditores M.B., nga Gjakova, të cilën e përfaqëson Ylli Bokshi avokat në Gjakovë, kundër debitores së përmbarimit Komunes së Gjakovës - Drejtoria Komunale e Arsimit, për përmbarimin e dokumentit të ekzekutueshëm – aktgjykimit të Gjykatës Themelore në Gjakovë, C.nr.1850/21, të datës 31.10.2022, i plotfuqishëm me datë 15.11.2022, dhe i ekzekutueshëm me datë 25.11.2022, për kompensimin e të ardhurave nga marrëdhënia e punës mbi bazën e kualifikimit, në shumë të përgjithshme prej 1,833.53 euro, duke vendosur për debitimin e mjeteve përmes xhirollogarisë bankare, jashtë seancës gjyqësore, me datë 26 mars 2024, mori këtë:

A K T V E N D I M

I.URDHËROHET, Ministria e Financave, Punës dhe Transfereve e Republikës së Kosovës në Prishtinë – Llogaria e vetme e Thesarit, që në emër të detyrimit të përcaktuar me aktvendimin e kësaj gjykate, 2021:260910 të datës 20.03.2023, për lejimin e përmbarimit të dokumentit të ekzekutueshëm - aktgjykimit të Gjykatës Themelore Gjakovë, C.nr.1850/2021, të datës 31.10.2022, i plotfuqishëm me datë 15.11.2022, dhe i ekzekutueshëm me datë 25.11.2022, për kompensimin e të ardhurave nga marrëdhënia e punës mbi bazën e kualifikimit, dhe atë - Kreditores M.B., nga Komuna e Gjakovës, ti paguaj në emër të borxhit kryesor shumë prej 1,833.53 euro, të gjitha me kamatë ligjore prej 8%, duke filluar prej datës 18.11.2021 – 12.03.2024 gjithsej kamata 183.38 euro, dhe shpenzimet të procedurës kontestimore dhe

përmbareme në shumë prej 660.00 euro, respektivisht të gjitha detyrimet në shumë të përgjithshme prej 1,833.53 euro, të gjitha në afat prej 7 ditësh, në atë mënyrë që nga xhirollogaria e debitores së përmbaremit, Komuna e Gjakovës - Drejtoria Komunale e Arsimit, t'i barten këto mjetet monetare, në llogarinë e të autorizuarit të kreditores, Ylli Bokshi avokat në Gjakovë në xhirollogarinë bankare, "Avokatura Bokshi" SH.P.K. me numër në Bankën TEB sh.a.

II. OBLIGOHET, Ministria e Financave, Punës dhe Transfereve – Llogaria e vetme e Thesarit në Prishtinë, që gjykatën t'a njoftoj me shkrim për zbatimin e këtij aktvendimi ose për arsyet e mos zbatimit të tij.

A r s y e t i m

Gjykata duke vepruar sipas propozimit të kreditores së përmbaremit, me aktvendimin 2021:260910, të datës 20.03.2023, ka lejuar përmbaremin ndaj debitores Komuna e Gjakovës – Drejtoria Komunale e Arsimit. Ndaj këtij aktvendimi, debitorja ka ushtruar prapësim me datë 27.03.2023, ndërsa i autorizuari i kreditores me datë 30.03.2023 ka paraqitur përgjigje në prapsim. Duke vendosur lidhur me prapësimin e debitores, gjykata me aktvendim 2021:260910, të datës 02.11.2023 ka refuzuar si të pa bazuar prapësimin e lartcekur.

Meqenëse pala kreditore në propozimin e saj për përmbareme, ka cekur mjetin e përmbaremit - transferimin e mjeteve monetare përmes xhirollogarive bankare e me qëllim të realizimit të detyrimit të lartë cekur në të holla dhe se pas shqyrtimit të të gjitha shkresave të lëndës, kjo gjykatë gjeti se në rastin konkret, duhet të bëhet debitimi i mjeteve të lartcekura monetare, t'ia paguaj kreditores M.B., nga Komuna e Gjakovës, ti paguaj në emër të borxhit kryesor shumë prej 1,833.53 euro, të gjitha me kamatë ligjore prej 8%, duke filluar prej datës 18.11.2021 – 12.03.2024 gjithsej kamata 183.38 euro, dhe shpenzimet të procedurës kontestimore dhe përmbareme në shumë prej 660.00 euro, respektivisht të gjitha detyrimet në shumë të përgjithshme prej 1,833.53 euro, përmes bartjes së tyre në xhirollogarinë gjegjëse bankare dhe atë për këtë arsye:

Me shikim në shkresat e lëndës, 2021:260910, kjo gjykatë ka gjetur se në rastin konkret pjesë e detyrimit që rrjedh nga dokumenti i përmbaremit – aktgjykimit të Gjykatës Themelore Gjakovë, C.nr.1850/21, të datës 31.10.2022, i plotfuqishëm me datë 15.11.2022, dhe i ekzekutueshëm me datë 25.11.2022, për shkak të detyrimit në të holla, si në rastin konkret me debitimin e mjeteve financiare përmes xhirollogarisë bankare, sipas nenit 152 të LPP-së, duke u bazuar në

dokumentin e lartë cekur të përbarimit, se debitorja, Komuna e Gjakovës - Drejtoria Komunale e Arsimit, është e obliguar që kreditores së përbarimit, ti paguaj shumat e lartcekura të gjitha në afat prej 7 ditësh, andaj në arsyet e cekura më lartë kjo gjykatë, vendosi që të urdhëroj Ministria e Financave, Punës dhe Transfereve në Prishtinë - Llogarinë e Thesarit, që të bëjë debitimin e mjeteve monetare si në dispozitiv të këtij aktvendimi.

Prandaj, gjykata duke u bazuar në nenit 3, 5 par.6 pika 2, 109 par.3, 113 dhe nenin 152 të LPP-së, vendosi si në dispozitiv të këtij aktvendimi.

GJYKATA THEMELORE GJAKOVË

Departamenti i Përgjithshëm, Divizioni Civil

2021:260910, më 26 mars 2024

GJ Y Q T A R,

Durim BALAJ

KËSHILLË JURIDIKE:

Kundër këtij aktvendimi nuk është e lejuar ankesë e veçantë.